

八瓊室金石補正

八瓊室金石補正卷一百二十一

太倉陸增祥撰

男 繼輝校錄

吳興劉承幹覆校

宋四十

崇勝寺雲版款

高廣未計上方題四字爲一行左右列日月二字字  
徑二寸許下方題字八行行字不一字徑一寸二分  
俱正書在  
巴陵君山  
日

岳州洞庭君山崇勝

禪寺卒寺今鼎

新命工

皇帝萬歲 建造雲版一面永鎮

山門晨昏香火者

皆歲乙丑歲消元年

上元吉日住持祖□□

月

鑄士游文彬造

右崇勝寺雲版款在巴陵君山亦張松坪所接得  
鑄士之稱它處未見疑是工字

米芾書踏莎行詞刻

分兩截上截高尺許廣一尺六寸十一行行七字八  
字字徑八九分行書下截高七寸廣一尺七分十三  
行行十字字徑五分  
正書在郴州蘇仙嶺

霧失樓臺月迷津渡桃源望斷知何處可堪孤館閉春  
寒杜鵑聲裏殘陽樹

驛寄梅花魚傳尺素砌成此恨無重數郴江本自繞郴  
山爲誰流下瀟湘去

秦少游辭東坡居士酷愛之云少游已矣雖万人何贖

芾書  
以上上截

淮海詞東坡語元章筆素翫三絕碑騷人詞客得之  
寶惜余來守是邦首訪舊刻把玩不置因謁蘇僊

山少憩白鹿洞口偶披蔡而上有泉出乎兩山之間

於是草創小亭環植桃栽追思唐孫會何異武陵之

境之句慨悟少游桃源望斷知何處之所詠迺命工

以其詞鐫之石壁尙與此景同傳不朽云咸淳丙寅

春辛卯月卽武鄒悉跋以上

右秦少游詞米元章行書十一行行八字在郴州下

截爲咸淳二年二月郴州守鄒悉跋十三行行十字

正書乃記刻此詞之本末也攷黃山谷有跋秦少游

踏莎行卽此詞也云右少游發郴州回橫州多顧有

所屬而作語意極妙似劉夢得楚蜀閒詩也又冷齋

夜話云少游到郴州作長短句云云東坡絕愛其尾  
兩句自書於扇曰少游已矣雖萬人何贖今以石刻  
校兩家所引詞句有不同處如知何處作無尋處殘  
陽樹作殘陽暮又郴江本自繞郴山之本作幸似皆  
當以石刻爲正然據漁隱叢話引詩眼謂淮海小詞  
云杜鵑聲裏斜陽暮山谷曰此詞高絕但既云斜陽  
又云暮則重出也欲改斜陽作簾櫳余曰旣言孤館  
閉春寒似無簾櫳公曰亭傳雖未必有簾櫳有亦無  
害余曰此詞本模寫牢落之狀若曰簾櫳恐損初意  
先生曰極難得好字當徐思之云云則此句似經後

人改定者豈卽出於元章之手邪又考周益公有跋  
米元章書秦少游詞云借眼前之景而含萬里不盡  
之情因古人之法而得三昧自在之力此詞此字所  
以傳世似亦卽指此刻而言也郴州總志云鄒恭咸  
淳元年由奉直大夫知郴州而不著其籍貫据此刻  
知爲邵武人 案斜陽樹明浙板淮海集作斜陽暮  
徐渭評云王直方詩話載黃山谷惜此詞斜陽暮意  
欲重易之未得其字今郴志遂作斜陽度此亦何害  
而病其重也李太白詩睽彼落日暮卽斜陽暮也云  
云渭所見郴志乃萬厯胡漢本今楊柔阿志已從淮

海集改正而不知石刻作殘陽樹也郴州總志載少  
游此詞題作白鹿洞又載其阮郎歸一闕又云桃花  
流水溪自蘇仙山中觀之前下其水清瀉經白鹿洞  
前流入郴江古岸秦觀三詞刊石上云三詞則二詞  
之外豈尙有一詞俱刻於此邪

古泉山館  
金石文編

湖南通志載此刻脫於是草創小亭環植桃栽十  
字又誤白鹿洞之鹿爲蓮茲据石正之石有剝蝕  
仍据志補其闕案鄒恭跋云素號三絕碑則此詞  
此字本有石刻鄒郴州殆以墨本重模於石壁耳  
丙寅爲咸淳二年又環植桃栽之栽或以爲李字



於義自順然諦審拓本實是裁也

嘉定學重修大成殿記

高五尺四寸廣二尺六寸十七行行三十一字字徑一寸行書篆額題嘉定縣學重修大成殿記十字在嘉定

國家自慶厯詔州縣立學而學必祀宣聖明尊師也兵始黃帝農始后稷社始勾龍莫不庭爲壇爲祀之縣雖一雷地無夫子宮牆可乎有之矣苟其日月徂邁風雨漂搖令茲邑適興壞會弗勤弗治是吾□反不若異端者流其龕廬像設金碧稍漫漶卽十百爲羣奔走謁資求所以還其舊今天下固無富哉縣如曰吾方

治賦聽訟姑舍是則朔告丁莫仰梁而摧俯柱而腐於  
心何如哉嘉定縣創學未五十年大成殿寢圯今桐川  
守常君楫爲宰請于府得沒官租市鏹具木瓦甃將召  
匠以譏幕行史君俊卿踵其後至則鳩工度材斧鋸交  
作始乙丑春仲閱五旬殿宇顯敞廟貌崇嚴有門櫺星  
有橋跨水主學唐君夢翔佐其決學正王子昭相其勞  
爲工千一百五十餘楮二千九百餘米石三十餘既告  
成邑士相與言曰物之成與壞者數也能俾壞復成者  
人也今茲常君規之史君成之一新是殿矣繼今以後  
安得復如二君損已俸倡諸寓公使是殿久而常新者

哉且尊師有殿而養士無廩奈何史君遂撥其功德寺  
里七十六畝有奇曰是爲後之繕脩備給縣之廢庵田  
六十二畝有奇曰是爲士之供億用於是邑士嘉常君  
之始謀感史君之終惠以余嘗黻黻是邦也合辭請志  
歲月余惟唐陸衡山爲縣人立宣聖廟學堂少陵過  
而詩其事余老矣弗克廣少陵作爲邑士賀辱徵文其  
敢以蕪陋辭咸淳二年夏四月朝散大夫新除祕書省  
著作郎兼國子司業兼景獻府教授林震記通直郎  
知平江府嘉定縣主管勸農公事兼軍正趙鏞書并  
立石

邑人徐侁鐫

嘉定縣學重修大成殿記咸淳二年夏四月林應炎  
記趙崇煥書并立石行書在縣學篆額五行字徑三  
寸許記十七行行卅一字字徑寸許

吳郡金石目

潛研堂金石目載有常楫憩宮偶成詩刻在嘉定  
縣集仙宮地經兵燹片瓦不存錢叔魯爲予接訪  
之無可蹤迹矣此記內有常楫爲宰語附識於此

濂溪大富橋記

高七尺廣三尺二寸十八行行三十九字字徑一  
寸正書篆額題濂溪故居大富橋記八字在道州  
道州營道縣西出郭二十里有村曰濂溪樓田保

元公故居實在焉未至故居二百餘步有水縈紆隱隱如青羅帶者瀟源溪流也溪之上有小石梁橫跨乎青羅帶者大富橋也世傳以爲元公季十三時釣遊之所其然豈其然邪余牧春陵春秋行舍菜禮每謂故居兒童□□□□□□□□則□信乎其然也於是周覽山川徘徊左右顧瞻遺像生色凜然爲之嘆曰盛矣

元公父子祖孫道義之尊卽夫子之宮牆闕里也然

窓櫺几格龕帷服用色色弊陋殊非所以尊崇之意□

前有□□□創小學以爲教育周氏子孫之地而於故

居似未加詳爲余誤□□比來帑藏請益甚欲一新□

□□□□□□□□其一二而又不能并其橋與亭而  
新之是余一大欠事也一日周之子孫主祠者天□□  
□□起而□余曰先生既嘉賓故居之儀式矣橋則天  
祺將□月俸而新之矣亭□未創不可□□以□□世  
□垂後來天祺竊有請焉余應之曰龍山牙嶺之峩峩  
濂溪營水之□□鍾而生元公焉上以□□□於往  
聖下以開後覺於將來其功蓋不在孔子下少年釣遊  
於此意豈專在魚邪□亦與子釣而不網者同一意余  
何言哉既而思之曰元公之道無得而名然橋不名  
釣遊而名大富其義安在□讀易通而得之有曰天地

閒有至貴至富可愛可求非富乎又曰見□大則心泰  
非富之大乎夫富□也富貴之富小也道義之富大也  
見其大則忘其小志於道義則富貴不足道大哉富乎  
其道義之富乎此橋之所以名也登斯橋者毋以釣遊  
藉口蓋有得於言外之□云咸淳丙寅七月既望中奉  
大夫知道州軍州事兼管內勸農營田使充管界沿邊  
溪洞都巡檢使高安縣開國男食邑三百戶借緋趙□  
夫記迪功郎道州州學教授權通判事彭□□書迪功  
郎道州永明縣主學權濂溪書院山長王景□立石□  
□書院掌 御書李挺祖篆□

主祠周正雷濂溪裔周利萬周□□□□□□

□□周雷中□□論

下缺

右濂溪大富橋記在道州濂溪故里祠大門之右  
辛未冬翟斗南大令始爲予搜得之惜椎拓草率  
不盡明顯當託友人再拓精本以補遺闕案濂溪  
八景其一曰石橋晚釣卽此橋也濂溪志載此記  
文於每謁故居兒童下卽綴記末登斯橋者二語  
殊不了了宜据碑補足之又撰文人名志作櫛夫  
而審視拓本似是棉夫姑從其闕

嘉定縣學田租記



高二尺五寸五分廣一尺六寸十二  
行行廿四字字徑六分正書在嘉定

呂誤蒙

朝旨易命主教始見士廩不繼尋訪田籍漫無可攷遂  
委前庶躬行阡陌逐一挨究得田壹千叁伯陸拾貳畝  
貳步租叁伯玖拾壹石肆斗捌升捌合內叁伯貳拾叁  
畝貳角貳拾步租肆拾壹□肆斗捌合□ 荆縣高令  
尹請于 府泛崑山縣庠分到內壹伯肆畝壹角玖步  
租伍拾陸石伍斗乃 郡太守編修鄒公發俸資置到  
餘皆本學陸續添置此邑瀕江枕海田多租薄又得  
學正東祁王君首撥己產添助而四明漁川史宰撥田

繼之共計柒伯柒拾叁畝肆拾伍步租貳伯肆拾肆石貳斗柒升自此教養粗給宮墻重新是皆諸公力也  
行將替去敬述大畧而饒之石庶來者之有稽焉咸淳  
丙寅七月既望開山冷官合沙唐 纂書

嘉定縣學田租記咸淳丙寅七月既望合沙唐夢翔

正書十二行字徑六七分在縣學

吳郡金石目

濂溪陳夫人墓表

高三尺五寸廣二尺七寸中一行九字字徑五寸餘左右各一行行八字字徑四寸餘正書在道州

嗚呼濂溪陳夫人之墓

諫議其子元公其孫

咸淳戊辰清明立表

右陳夫人墓表在道州城西十五里樓田案永志  
周智強墓在道州營樂鄉安心砦碑佚此卽智強  
之夫人元公之祖母也墓在樓田不識卽安心砦  
否周輔成大中祥符八年進士賀州桂嶺令以子  
元公貴贈諫議大夫碑故云諫議其子也

渠渡廟封益靈公告

高一尺七寸廣二尺七寸五分兩截前三行另一敕  
尾此敕十六行行七字八字徑八分行書銜名共十  
六行字徑四分正書敕尾共四行行書篆額高一尺  
廣一尺七寸四分四行行二字題崇福昭貺益靈公  
告八字字徑二寸五分在武岡

主管院 斗祥

正書

書令史周 景炎

正書

景定四年四月二十九日

押

行書此封略貺公  
敕尾也前已缺佚

勅武岡軍靈濟廟崇福昭貺公朕務民之義先成民而  
後致力於神有能福吾民者雖在遐壤不敢忘爾神以  
公爵廟食都梁尚矣都梁之民謂比歲雨暘響荅除其  
疢癘誦神之功不置其何愛美號而不以慰都梁之民  
哉可特封崇福昭貺益靈公

奉

勅如右牒到奉行

咸淳五年六月十一日

以上  
行書

太傅平章軍國重事魏國公 似道以上上載

左丞 相缺下

右丞 相缺下

兼權給事中 ☐ 缺

兼權直舍人院

七月九日午時都事沈 大能

司農少卿右郎中時暫兼提舉房李陳 缺

太傅平章軍國重事魏國公 似 缺

左丞 相 缺

右丞 相 缺

吏部尙書缺

吏部侍郎缺  
以上正書

告崇福昭貺益靈公奉

勅如右符到奉行此三行行書

主事劉舉源

令史葉起宗

書令史吳若水

主管院 苗大以上正書

咸淳五年七下  
此行行書

右渠渡廟封益靈公告在武岡前三行係封昭貺

公敕尾餘當在上截而未之見也餘詳前靈濟廟牒跋尾

大鑒禪師殿記

高四尺五寸廣二尺六寸十九行行廿五字字徑一寸一分上題六祖大鑒禪師殿記並正書在廣東廣州府

廣州光孝寺大鑒禪師殿記

大鑒禪師顯跡於唐至我宋益昌今光孝寺菩提樹是師落髮處風幡堂是師說法處遺跡如在故釋子因為祖師殿以妥厥靈歲久蠹生重以鬱攸為變遂成荒趾歲在己巳住持僧祖中重新起造既成而請記于余

余曰謂禪師以四句偈傳衣正以菩提無樹明鏡非臺  
今爲之殿宇而加像設焉得無惹塵埃乎師又謂心不  
著法道卽通流心若著法乃成自縛晨香夕燈之奉爲  
著法乎爲不著法乎請者未有以對余語之曰道無古  
今佛無去來謂師爲存而不沒乎自唐迄今幾七百年  
世界如寒暑遷人生如花葉撲逝水何可挽也謂師爲  
沒而不存乎庭前之木榦撥根存堂中之僧貌殊性一  
群瞻列跪何見而恭敬口誦心惟何慕而歸依飲水知  
源自覺自悟師豈遠乎哉惟番禺大都會也禪師大道  
場也地大則衆雜而俗庀道大則教行而類應師初出



遠遊而終返于是豈無說邪以寐照法解炎氛毒然則  
僧家爲殿以崇之吾握筆爲汝記之皆善緣也咸淳五  
年十一月初七日華文閣直學士通奉大夫廣南東路  
經略安撫使馬步軍都總管兼知廣州軍州事兼管內  
勸農使陳宗禮記朝散大夫提舉廣南東路常平義倉  
茶鹽公事兼權運判冷應澈題蓋宣教郎知廣州南海  
縣主管勸農公事兼弓手寨兵軍正王應麟書

建安陳士可刻

右廣州光孝寺大鑒禪師殿記陳宗禮記冷應澈題  
蓋王應麟書書頗有法嶺南人以爲王伯厚筆也伯

厚以淳祐元年登進士寶祐四年中博學宏辭科至  
度宗時名位已高無緣出爲縣令宋史本傳亦不云  
知南海縣疑別是一人與伯厚同姓名者耳後讀宋  
潛溪集有封承事郎給事中王公穀墓版文其祖應  
麟知南海縣事碑卽此人所書乃泉州晉江人非浚  
儀王氏也宗禮字立之應澂字公定宋史皆有傳

堂金石  
文跋尾

### 度宗字民銘并謝表

高六尺四寸廣三尺五寸上層銘六行行七字字徑  
寸餘行書中層表四十六行行十八字下層跋卅六  
行行廿二字字徑五分俱正書  
篆額題御製宸翰四字在零陵

字民銘

涖事必公拊民必惠邇者有訓命既切至咨爾令長守

以勿墜宣朕實意斯爲愷悌

以上上截行書

弟一行銜名已蝕言恭準

頒賜

御製

字民銘 已望

闕祇受鋟石訖者伏以

天頒

一札父母斯民地重八愚子男之國

咨尔承宣之令

懋哉撫字之心

□□

惶懼惶懼頓首頓首若稽

我朝洪惟

理考

予告汝

訓

必廉忠而公勤爾聽

朕言

以恭寬而體恕

霆驚百里

膏沐萬芳

垂

憲言於

後人

式克□□

今日恭惟

皇帝陛下

堯仁

舜德

周誥

商盤

念

先王之

惠困窮

首嚴飭吏

謂縣正之掌政令無易□□

誕渙□於

德音

重巽申於

明命□假爲邑長祇在宅生治石磨刊□與銘於肺腑

□城保障敢不竭於懇忱□無任瞻

天望

聖激切屏營之至所有銀石

宸翰墨本壹軸謹隨

表上

進以

聞□□惶懼惶懼頓首頓首謹言

咸淳柒年肆月日

燕□上表

以上  
中截

嘗觀

先朝名臣作邑以視民如子四字置諸座右朝省夕觀

至矣哉字人者之龜鑑乎洪惟

本朝

以仁立國

以□□□

以禮義廉恥淑士大夫暨我

理皇揭

字民一訓

儆于有位于以

陶四十一年之盛治而

開百千萬世之太平



皇上嗣無疆大厯服

念念在民

一日行天下一兩道

舉廉

戢貪

幾詔小大之臣各欽乃職猶懼弗旣

咸瀉庚午

親製字民訓越數日

游製字民銘

天筆肆頒

雲漢昭回萬姓咸曰

大哉

王言又曰

一哉

王心□代匱男邦昭受

明詔厥有感於先臣龍學肅昔在

天禧出宰臨邛縣創木爲櫝施信於民而民信之□不  
肖懼不克率乃祖攸行謹拜手稽首對揚

王休陽城有言撫字心勞催科政拙此近民者所當加  
之意苟違此

銘

天厭之

天厭之

咸淳柒年肆月日

燕堅龍

百拜恭跋

咸淳七年四月迪功郎權永州零陵縣事燕堅龍撰

表見零陵縣志銘見宗志

湖南通志

右篆額四字銘行書五行下二層表正書四十五行

豐碑螭首環以雲龍立零陵縣儀門燕堅龍燕肅之  
孫肅知臨卽削木爲槨事見宋史本傳肅子度孫瑛  
皆有傳瑛死靖康之難其家累世以忠節循良著聞

觀其後跋可謂不隕家聲者矣

金石  
審

右度宗字民銘并謝表在零陵縣官署前案史咸  
淳六年正月丁卯御製字民牧民二訓以戒百官  
而於製銘則略之表云親製字民訓越數日游製  
字民銘可以補史之闕表有洪惟理考云云跋亦  
有暨我理皇揭字民一訓之語事在寶祐四年三  
月燕肅曹州人字穆之以著作佐郎知臨邛縣最  
後進龍圖閣直學士知穎州終禮部侍郎故表稱  
龍學也永州志載此刻銘內洩誤作臨表內謂作  
讀渙作敷申作稟隨作奉均誤並缺石與銘三字

跋內觀誤慨至誤大其下并脫矣字旣誤能游誤  
復加下脫之字柒作七肆作四餘不計又湖廣通  
志云燕堅龍知零陵縣民苦吏追攝乃刻木爲牘  
凡訟有連逮者書其姓名使自召之作字民銘刻  
石縣治則誤以此銘爲堅龍所作矣湖南通志因  
之未能改正至刻木爲牘一節疑卽燕肅之事而  
誤屬於堅龍也抑嘗仿行之邪

長沙趙潛璵等題名

高四尺八寸廣四尺七寸八行行  
九字至十一字字徑五寸許正書

咸淳壬申□月廿有□□長沙趙潛璵洛□□□夫潼

川表□□□□□永嘉□□□□□建業楊德俊金  
華宋璧□眷朱玉國目金□□□□□□□孫璠侍損  
之□□□□偕

右題名未知所在王申爲咸淳八年所拓似未全  
非缺下載卽失拓末行也

咸淳甄文

長六寸一分廣二寸三分二行又下方一大  
字字徑□分正書反文左行在陽湖呂氏  
制使待制□□□任內咸淳玖年伍月造使押

崇勝寺鐘銘記

高圓未計四十九行行字不一字徑寸許又大字  
四行行四字字徑三寸許俱正書在巴陵君山

江河往來船居筭請鈔商蔡廷玉祖貫淮西路黃州黃  
岡縣木蘭山之東天淨港人也考君念九評事妣親柳  
氏太孺人家傳宦裔歷世此邦昔日紹定壬辰歲後□  
□□境□踐鄉閭遂絜累偕室田氏三娘寓居江上懋  
遷鰲石爲資生計幾四十春荆楚江浙之間多所涉歷  
歲亦勞止汔可小康雖不復家山之舊幸粗置田園於  
天岳之邦非曰能之要皆洪造之陰覆也癸酉良月旣  
望艤舟自常武而下泊於君山之濱崇勝無禪祐老一  
棹來訪談邊首以化緣洪鐘爲請因思鐘之爲物廼香  
火緣中之大器能力成之抑亦美事故不敢辭不虞是

夕風濤暴作四舟之稠載者蕩然東西翌日以次尋獲  
畧無毀失中有一舟自漂去後越三日忽得之君山西  
之中湖意其所載必成烏有徐啟其扁視其物巋然具  
存想是時也大澤之側豈無睥睨者在而終不敢發若  
有神物之呵護其旁危而安失而得造物之垂佑愈昭  
昭矣後命鳧氏亟鑄以酬許心青銅六百緡之貲又奚  
敢吝今來陰相一鼓而成揭鎮佛寺碩大聲宏穹示明  
鑒□及幽明上超考妣下延後人永嗣其響大叩大鳴  
銘勲自此祿倍其榮茲述其槩以爲歲月之識云

岳州洞庭君山崇勝禪寺新鑄鐘銘



洞庭君山之勝聞天下飛昇秋月第一湖山拱揖於  
寺之左右水雲繚繞夔隔塵世開慶己未火于兵頑  
石老一新之無禪相厥成補其處又五年乃克大脩  
而洪鐘尙咽微撞命予疏其語以求諸檀聞見欣施  
而蔡叟者願一力而成之遂遣僧慧寧往鸚洲就善  
工鑄之謂不可無紀楞伽雲溪知祖爲之銘曰

天岳形

枕洞庭

屹君山

萬古青

殿突兀

樓崢嶸

頑石創

無禪成

冶洪鐘

震禪局

透幽宮

徹太清

擾蛟龍

卽雲英

以眼聞

在心聽

大夢覺 羣迷惺 是功德 難可名

福檀施 壽帝齡 誰表之 我作銘

太歲甲戌歲涇拾年四月八日圓成謹題

勸緣前住當山無禪 如祐

當代住持傳法沙門平軒 法坦

法靜 法安 廣祐 廣興 法寶 法雲 宗环

宗忠 宗詮 德桂 宗福 宗惠 宗定 宗

德 宗隆 惠坦 紹鑑 師榮 廣洪 繼□

智空 智深 崇禮 惠空 善德 師濟 德惠

善裕 崇覺 法源

頭首寮元師吉 知殿 廣淨 藏主妙□ 首座

□□

知事典座宗成 維那 賁本 副事德 監等普

明 都寺祖鑒

前住當山東堂 慈湊

前住持勸緣沙門 如祐 當代住持沙門 法坦

江河往來舟居周諒同室 戴氏

岳州巴陵縣晉捨財徐安國 項友諒

鄂州江夏縣孟城居大制府帳前葉智造

新鐘煩待輕手撞

皇帝萬歲

文武千秋

風調雨順

國泰民安

以行上四

列於四  
稜之間

右崇勝寺鐘銘記在巴陵蔡廷玉泊舟洞庭爲風浪所漂散旋獲無恙乃鑄鐘酬願以紀其事而知祖爲之銘其大略如此一統志君山寺在縣西南君山上卽崇勝寺也舊名楚興湖南通志但稱寺爲晉建厥後無聞讀此紀知宋理宗時幾廢而復興也文云開慶己未火于兵宋史本紀不言及岳而列女傳言開慶元年元兵至岳州韓氏女希孟被掠赴水死是寺燬于火正在其時也鐘在寺門

外平地湘人無知之者岳州太守張松坪始搜得之蔡叟事在癸酉鐘成於甲戌今松坪於癸酉冬搜拓甲戌春持以餉余亦巧合矣

鈞鐏潭三字并詩

題字高二尺八寸五分廣一尺三寸字字徑八寸許正書詩刻高一尺三寸廣一尺四寸前四行行五字字徑寸許後三行行七字字徑五分俱行書

鈞鐏潭

常聞南郭智未識北山愚試問溪中水潺々只自如

癸酉中冬既望日□□□□遇永州□□

愚溪在永城河西問鈞鐏潭所在僧指曰上行二百

步卽是石上勒字可據余竊疑焉土人引至溪邊有  
危石斜立果勒鈇鉞潭三大字讀柳子厚記西山西  
北道二百步得鈇鉞潭西山去此尙二里之遙况山  
川形勢與柳文俱不合意鈇鉞潭當別有所在或因  
陵谷變遷失其舊處俗流不學妄爲傳會遂指此當  
之邪

零陵縣志錢  
邦芭遊記

巨石色如黼黻鈇鉞潭三字斗大柳河東先生所製  
也厓旁有詩剝落隱存癸酉二字里老劉國樑前白  
能記此詩常聞南郭智未識北山愚試問溪中水潺  
潺只原作卽誤自如河東信手拈句不拘韻脚邪勒於唐

時之癸酉無疑因和之而更其末韻

許虬游記

案詩果爲河東作未可知但五言絕句乃古體不應

繩以近體詩韻竹隱豈未深究邪

江昱蘆湖藥雨錄

案河東集不見此詩又宋汪藻柳先生祠堂記云先生以永貞元年自尙書郎貶永州司馬至元和九年詔追赴都復出爲柳州刺史蓋先生居零陵者十年攷永貞元年乙酉至元和九年甲午其中並無癸酉則此詩殆後人所題也

湖南通志

右鈎鐏潭題字并詩通志次於唐元和年間蓋以柳虬之言指爲河東所製也攷柳文惠年譜貞元

九年癸酉先生登進士第無由至永決非河東所製縣志謂俗流傳會殆非無見余以筆意審之當是宋人所爲題字與詩亦非一人手筆詩句頗疑是元祐癸酉邢恕所題然無可證姑系諸宋末以俟再攷

### 大陽堠石刻

拓本高三尺五寸廣二尺存二行  
行各三字字徑八寸正書在長沙

### 儀制令 大陽堠

霧陽鄉石碑卽古大陽市舊官道田間有一碑上題儀制令大陽堠正書六大字作二行字徑七八寸下



刻小正書約五行字徑寸七八分前二行云賤避貴  
少避長輕避重去避來每行六字後有一行磨滅不  
可辨又後一行存縣尉二字又後一行存縣尉吳三  
字餘皆漫漶未見年月攷宋史孔承恭傳云嘗疏請  
令州縣長吏詢訪耆老求知民間疾苦吏治得失及  
舉令文賤避貴少避長輕避重去避來請詔京邑并  
諸州於要害處設木牌刻其字違者論如律上皆爲  
行之則賤避貴云云本係宋初令文碑所題儀制令  
是也惟傳言設木牌刻其字而据事物紀原則云刻  
石其說互異今石碑現存豈史傳有誤與

古泉山館  
金古文編

右大陽堠石刻距嘉慶末未及周甲而賤避貴數  
行絕無一字可見石固剝蝕殆拓工率劣故邪姑  
就所見錄之案陝西略陽有此刻系淳熙辛丑立  
石武授堂有跋云東都事略太宗紀太平興國八  
年正月甲申詔曰傳云能以禮讓爲國乎何有宜  
令開封府及諸州於衝要處設榜刻儀制令論如  
律宋史孔承恭傳嘗上疏舉令賤避貴少避長輕  
避重去避來請詔京兆並諸州於要害處設木牌  
刻其字違者論如律然則此令爲宋律舊文起於  
上旨榜之要衝固當宋初已有此制然當時未刻

於石也癸辛雜誌載律云去避來之文太宗嘗問孔承恭曰令文宗貴賤長輕各有相避何必又云去避來此義安在承恭曰此必戒於去來者互相避耳蓋承恭又申上問爲申律意如此但如宗貴賤長輕於義不相屬皆傳刻脫誤之過非周氏故書也

祥案余所見本長輕之下有重字而承恭均作恭承是別一本也亦非周氏原書

金

石續編有跋云此令爲宋律舊文榜諸要害通衢始設木牌後因刻石詳見武授堂金石文字跋然則此制始於宋初太宗之詔因承恭疏請也予見唐六典禮部載凡行路之間賤避貴少避老輕避

重去避來宋制實仿於此武氏未之攷耳祥案癸  
辛雜識又云余嘗扣之棘市老吏云所謂去避來  
蓋避自我後來者以其人自後奔走而來此必有  
急事故耳故當避之也此語亦甚有理余謂此語  
亦未盡協太宗以承恭之言爲不然曰恐律者別  
有他意老吏之言亦猶是耳

### 蒼公墓記

高四尺一寸廣一尺六寸兩截上段記十二行行十  
八字下方詩九行行七字字徑寸正書間雜行體橫  
額題蒼公碑三字字徑  
二寸許行書在白水

### 蒼公墓記

夫公者黃

帝

時諸侯也姓蒼名頡觀鳥跡以始制文字

鬼遂夜哭黃帝時白日龍見帝亦乘龍遊行及蒼頡造

書龍皆潛藏白日

上天

而去以有文字恐人書

盡

之而

鬼哭龍藏也蒼公者黃帝時史官也蒼公卽古文篆書

是蒼頡傳云兗州西南八十里有蒼公修學之臺卽古

今存焉倉公墓者葬

在

雍州東北上同州界白水縣東

北彭衙城是也

下空

黃帝墓者坊州內卽古今喬陵是也

蒼公墓志譯古今文

黃綃幼婦外孫壻曰

以上上段

詩曰

鳳凰□勢蔭文□

軒轅□□□金□

東望□山□□谷

西臨洛□□文宣

巫山□□南選□

北□□龍□水連

每到季春□明節

後代儒□各□先

右蒼公墓記記文首云夫公者黃帝時諸侯也下

又云蒼公者黃帝時史官也後又云黃帝墓者坊  
州內卽古今喬陵是也殊不可解最後又有蒼公  
墓志譯古今文黃絹幼婦外孫壻曰十六字下方  
有題詩一首碑式甚奇碑無撰書人姓名亦無年  
月文云上同州界白水縣攷魏書地形志白水屬  
白水郡西魏改置同州無上同州之稱殆屬上句  
讀也雍州東北上言東北境上耳其下有坊州內  
之文坊州係唐武德二年所置宋因之筠清館附  
宋末從之漢書藝文志有蒼頡傳一卷

季文題名

高一尺八寸廣五寸二分正書左行

弟季文偕至此時戊辰歲八月初四日

右題名未知所在季文爲何人之弟戊辰爲何代亦無由攷疑拓本未全也

有鄰等題名

高一尺廣二尺二寸九行前五行行二字字長徑四寸後四行行三字字長徑二寸篆書在臨柱

有鄰中規專弋剛中子浩

戊寅歲曹式月三至同迂

右題名未詳何所篆法圓渾當出北宋人手而不見於廣西通志有鄰五人亦不見於他刻戊寅何



代無從懸擬錄附宋末再考至古文日字見汗簡

開府儀同三司殘碑

存高一尺二寸二分廣一尺八寸八分十  
三行行存字不一字徑寸許行書在洛陽

□□悌根

下缺

□非鬼責

下缺

□□朝家備

下缺

開府儀同三司太

下缺

之配何氏號莒

下缺

□寔生望郎

下空

宜公之室

下缺

婦聽與卹典俱茂恭

缺下

□虔飭

□

缺下

□固已蕪旦爽閔散

缺下

□□昭宣使恩州□

缺下

□武以沉謀懿勲制

缺下

□煩干城之秀裕父

缺下

□□□□□□□□

缺下

右殘碑在洛陽存古閣僅存十三行上下均已斷

缺不見姓名年月中有開府儀同三司字卽以題

之昭宣使或卽宣撫宣諭之類筆意頗近北海碑

書旦字不作旦或是宋刻

西銘殘石

存四行行字不一字徑五分許分書在道州

秀也凡天

生無告者也于時保

悖德害仁曰賊

事

右西銘殘石近在道州出土隸法健勁頗得漢人筆意檢閱湖南通志並無西銘之刻不知何人手筆然決非宋以後物也如式錄之以俟再考據性

理精義所載無告上是而字與此不同案四川舊志云張子西銘宋學士介冑手書刻之東岩今失是宋時固有入石者矣

毗陵殘碑

存三塊高廣不計七行字徑寸許正書在洛陽

□地□

吳謝理 岳均

外祖宰 毗陵

□天女□之□  
以上二石上截存九字下截存五字

得斯淨域□

三  
其徙宅務善於

□可依故選勝於

自得至於三行爲一石以上弟三石

右殘碑存卅字又弟四行女下存水旁半字弟六行其上存下半田字文云得斯淨域云徙宅云選勝蓋釋氏所爲者無可標題中有毗陵字卽以名之

十九年殘碑

高廣不計存五行行字不一字徑七八分許正書在洛陽

□狎也如此其性靈也如彼

月十四日生以十九年十月四日卒

于茲日居月諸力微疾漸臨命

□目而顧思旋殞心而終矣尊

上缺□朝遠思弊蓋

右殘碑亦誌石之類繹其語意似爲埋犬作者無  
可標識以其卒於十九年也卽以十九年題之以  
上二刻均在洛陽存古閣筆意非宋以後物附宋  
末

洪公碣額

拓本高一尺二寸廣一尺六寸存橫  
額十二字字徑二寸許正書在嘉定

宋故閭門寄班祇候洪公之墓

右洪公墓碣在嘉定縣西北鄉朱魏土地廟文已摩滅不可識唯額題十二字尙完好攷宋史職官志東西上閣門篇有祇候十有二人又增置重班祇候六人無所謂寄班者而入內內侍省篇有云嘉定初詔內侍省陳乞恩例親屬充寄班祇候以十年爲限似南渡後乃有寄班之名後讀續通鑑長編天禧四年四月丁酉詔寄班祇候自今準三班使臣所定年限考課又檢宋史石普傳十歲給事邸中以謹信見親補寄班祇候劉文質傳以左班殿直遷西頭供奉官寄班祇候張昭遠傳擢左班殿直寄班祇候乃知真

仁兩朝已有寄班祗候職官志漏而不書耳

潛研堂跋尾

朱巍廟神座下嵌此石廣不及二尺上方橫題十二字下有文十行不可辨末有哀子某泣血撰數字於父稱哀頗與古合洪公名不可攷土人云墓去廟約

里許

吳郡金石目

石已中裂文盡曼威所謂哀子某泣血撰者無一字可見卽行數亦不能定矣

焦公誌蓋

高一尺五分廣一尺二行行三字  
字長徑三寸篆書在洛陽存古閣

朱焦公墓誌銘



長安縣君志蓋

方二尺六寸四行行三字  
字長徑五寸篆書在平江

宋故長安縣君□陽氏□誌銘

右石蓋存誌佚左角亦已損缺乙亥十月從麻竹  
師索得之竹師云墓在平江縣西七十里井安寺  
古驛道旁山名鯉魚背甲戌冬土人掘得墓磚有  
長安君字相賦以秦墓亟遣人物色之得此石蓋  
宋歐陽夫人墓也

黃帝鍼經殘刻

高廣莫考存三截上截存十一行行存字不等中截  
存十三行行十六字下截存十二行行二三字不等

正書

□

足  
太陽脉

□ 喎鼻多清

生白膜鍼入

此行  
無字

□ 分足太陽脉

鼻塞悶偏風口

鍼入三分留七

此行  
無字

□在通天後

治青風內

以上  
上截

月血□今土<sub>ノ</sub>□不畏風<sub>ノ</sub>女□

□髀二穴在耳前兌髮下橫動脉□□陽

脉氣所發治□□引急<sub>頭</sub>重痛耳中嘈

嘈頰頰腫鍼入七分可灸三壯

聽會二穴在耳前陷中上關下一寸動脉

宛宛中□□得之手少陽脉氣所發治

耳聾耳中狀如蟬聲通耳食牙車脫臼

相離一二寸□□側卧張口取之鍼入

七分留三寸得氣卽寫不須補灸亦良

日可灸五壯至二七壯止十日後依前

報灸之卽愈忌食動風生冷猪魚物等

耳門二穴在耳前起肉當耳缺者治耳有

膿汁出生瘡瞠□□耳耳鳴如蟬聲□

以上  
中截

月□

痛婦人□

膀胱膈

一寸

脊痛

少氣

脚□

中督□

下□

腸

得

灸

右碑不知所在上下殘損復多坼裂刻鍼灸諸法  
三截間以花紋案耀州有石刻大小三種相傳爲  
孫思邈千金方此非其類

八瓊室金石補正卷一百二十一終